

Zvonko Marić
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVIN
KANTON SARAJEVO
SKUPŠTINA KANTONA SARAJEVO
n/r Ministarstva pravde i uprave
n/r Vlade KS

Sarajevo, 22.3.2017. godina

ZASTUPNIČKO PITANJE

Budući da su kroz inspekcijski nadzor u televiziji Sarajevo dokazani svi moji navodi iz ranijih pitanja vezanih za ovo Javno poduzeće čiji je osnivač Skupština KS najljubaznije molim Vladu KS, resorno ministarstvo, upravljačke strukture televizije Sarajevo da se očituju u povodu ponovnog pokušaja provođenja samovolje direktora Elvira Resića. Kada je riječ o pravnom haosu koji je nepobidno dokazan kroz navedeni inspekcijski nadzor, smatram da je neodgovorno, neozbiljno i krajnje štetno za zaposlenike javnog poduzeća televizije Sarajevo i uopće za tu medijsku kuću, kao što je poražavajuće i to da su svi doneseni pravni akti za vrijeme mandata direktora Resića poništeni i stavljeni van snage odlukom inspekcijskih organa. Ovo nečuveno djelovanje izvan zakonskih okvira nanijelo je štetu i ugledu Vlade i Skupštine KS. Takav pravni fijasko, debakl i pravne nepodopštine nisu zabilježene u povijesti te televizijske kuće. Međutim najgore u svemu je što uprkos intervenciji inspekcijskih organa, njihovim odlukama o protuzakonnosti u djelovanju direktora Resića, on je ne osvrćući se na sve to nastavio na kursu protivzakonitog djelovanja, što bi moglo imati nesagledive posljedice za televiziju Sarajevo. Zato pitam sve relevantne faktore da li je ova televizijska kuća privatizirana ili je riječ o samovolji direktora Resića i demonstraciji političke moći, kako bi se mogli odrediti da u budućnosti ne izdvajamo novac građana u iznosu od 3 miliona i 480 hiljada maraka za finansiranje ove televizijske kuće koja je očigledno u službi samo jednoj skupini ljudi, a ne građanima kojima bi trebala biti servis jer je u konačnici oni i finansiraju ? Potpuno je nejasno kako je moguće da je 23.3.2017.godine u hotel Hils pozvano 200 brižno odabranih zvanica iz javnog i političkog života, i o čijem trošku jer je to demonstracija

tabloizirane pameti koja očigledno ne preza čak ni od toga da troši novac građana na nejasno organiziranom balu ? Sigurno nije riječ o godišnjici zato što je televizija Sarajevo osnovana u junu mjesecu, pa se iz tih razloga može pretpostaviti da je riječ o svojevrsnoj manipulaciji da su pozvani gosti među kojima su određeni zastupnici, ministri, političari koji bi trebali da lobiraju za usvajanje finansijskog izvještaja za prošlu godinu koji se uskoro treba naći na dnevnom redu Skupštine Kantona Sarajevo. Ako se ispostavi da je tako, onda je to još jedna u nizu zloupotreba ove televizijske kuće koju plaćaju građani.

Zastupnik SBB BIH

Zvonko Marić